



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-750 i fax. 035-369-751, e.mail: opc.grad@bih.net.ba, www.gradacac.ba

OPĆINSKO VIJEĆE

Na osnovu člana 8. i člana 13.stav 2.tačka 9. Zakona o principima lokalne samouprave u FBiH (*"Službene novine FBiH"*, broj: 49/06) i na osnovu člana 24.tačka 11.Statuta Općine Gradačac (*"Službeni glasnik općine Gradačac"*; br.04/08 i 5/12), Općinsko vijeće Općine Gradačac na prijedlog Općinskog načelnika, na sjednici održanoj dana _____. 2018.godine,
d o n o s i

NACRT

ODLUKU

o nazivima i označavanju ulica i trgova i označavanju objekata brojevima na području Općine Gradačac

Član 1.

Ovom odlukom utvrđuju se nazivi ulica i trgova, uređuje označavanje ulica i trgova nazivima i zgrada i građevinskih parcela kućnim brojevima, kao i vođenje registra ulica, trgova i kućnih brojeva na području općine Gradačac.

Član 2.

Plan podjele na ulice, trgove, kao i grafički prikaz obuhvata ulica i trgova i kućnih brojeva je sastavni dio ove Odluke i nalazi se u Prilozima.

Član 3

Naseljeno mjesto GRADAČAC

Nazivi ulica i trgova sa opisom početne i krajnje tačke ulice ili trga, u naseljenom mjestu Gradačac su:

1. **Ulica Titova**, prostire se od raskrsnice kod Vatrogasnog doma do gradskog sata na trgu kod bivšeg hotela Jedinstvo.
2. **Ulica Husein Kapetana Gradašćevića**, prostire se od gradskog sata na Trgu kod bivšeg hotela Jedinstvo do raskrsnice ulica prema Modriči i Bosanskom Šamcu.
3. **Ulica Hadžiefendina**, prostire se od stare robne kuće-Konzuma preko mosta pored Hadžiefendine pumpe i Dječijeg obdaništa do Crvene škole na raskrsnici kod Vatrogasnog doma.
4. **Ulica Josipa Šibera**, prostire se iz Hadžiefendine ulice od raskrsnice kod poslovnih prostora Subašić Nihada i Mejase pa do izlaza na raskrsnicu ulica Sviračka i Nenavište.
5. **Ulica Šehitluci**, prostire se od raskrsnice sa ulicama Josipa Šibera, Nenavište i Sviračka pa do releja na Humkama.

6. **Ulica Šehidska**, prostire se od raskrsnice iz Titove ulice kod zgrade zvane Borovo pa do izlaska na raskrsnicu sa ulicom Hasana Durmiševića i puta ka Bagdalama.
7. **Ulica Branilaca grada**, prostire se od raskrsnice kod Vatrogasnog doma i nekadašnje Majevičke prodavnice pa do izlaza na raskrsnicu puteva Bagdale-Ahmetaši.
8. **Ulica Žrtava Srebrenice**, prostire iz raskrsnice Vatrogasnog doma od nekadašnje prodavnice Majevička prema Mionici do skretanja za Ahmetaše kod kuće Okanović Aide.
9. **Ulica Esada Taslidžića**, prostire se iz ulice Žrtava Srebrenice kod džamije Bukvare te ide preko mosta Gradašnice do izlaza na ulicu Šehitluci kod takozvanih mezarluka .
10. **Ulica VI bataljona**, prostire se sa lijeve strane raskrsnice Varoš od Energopetrolove benzinske pumpe i ide do starog srednjoškolskog centra prema Modriči.
11. **Ulica Sarajevska**, prostire se sa desne strane raskrsnice Varoš od Energopetrolove benzinske pumpe prema industrijskoj zoni do Šaldine benzinske pumpe i puta za Šamac.
12. **Ulica Sviračka**, prostire se od kružnog toka Varoš iz ulice H.K.Gradaševića pa prema raskrsnici ulica Nenavište, Josipa Šibera i Šehitluci.
13. **Ulica I bataljona**, prostire se iz Sviračke ulice od kuće Osmičić...preko Točka do raskrsnice puteva na Lahvama za Vidu I i Kamenik.
14. **Ulica Nenavište**, prostire se od raskrsnice za Tuzlu i ulica Josipa Šibera, Šehitluci i Sviračka od kuće Hasukić Mehmeda do sjeverne Karaule.
15. **Ulica Hazna**, prostire se od kružnog toka Varoš i mosta od Katoličke crkve pored jezera Hazna do raskrsnice ulica na Lahvama i puteva za Vidu I i Kamenik.
16. **Ulica Husein Kapetana Gradaševića**, prostire se od zapadne Karaule-kompleksa starog grada Zmaja od Bosne do izlaska na Sviračku ulicu kod istoimene Džamije .
17. **Ulica I. Maja**, prostire se iz ulice Hasana Kikića od kuće Miloša Popovića, do izlaska na ulicu Kadić Mahala kod kuće Kuduzović Mirsada.
18. **Ulica 6.Aprila**, prostire se iz Titove ulice ispod haustora kod Kuline prodavnice do izlaska na ulicu Hasana Durmiševića kod mezarluka (Sivići).
19. **Ulica Ibrahima Kapetanovića**, prostire se iz ulice Kadić mahala od kuće fotografa Kadrić Redže i završava se slijepo a u budućnosti treba izaći na ulicu Hasana Durmiševića kod kuće Hasić Izeta.
20. **Ulica Hasana Durmiševića**, prostire se iz ulice Kadić mahala od kuće nekadašnjeg hodže Kremla te pored kuće nekadašnjeg Safeta Topčagića do raskrsnice sa ulicom Šehida i puta za Bagdale, tačnije do nekadašnje prodavnice Mustafe Omeragića.
21. **Ulica Škorići**, prostire se iz Sarajevske ulice kod trafo stanice premo Bagdalama do granice k.o. Gradačac.
22. **Ulica Raifa Šaldića**, prostire se iz ulice Sviračka od mosta kod poslovnog prostora Glas-komerc, zatim presijeca XVI muslimansku partizansku brigadu i prolazi kroz Skendere do granice k.o.Gradačac prema Lukavcu Gornjem.
23. **Ulica Ahmeta Beširevića**, prostire se od ulice Raifa Šaldića od kuće Avde Beširovića do Zmajevca.
24. **Ulica 7. bataljona**, prostire se iz Titove ulice između NLB banke i Općinskog suda i spaja se sa ulicom Hasana Durmiševića kod mezarluka (Sivići).
25. **Ulica Kadić mahala**, prostire se iz Titove ulice kod gradskog sata i spaja se sa Sarajevskom ulicom neposredno kod trafo stanice.
26. **Ulica Hasana Kikića**, prostire se iz ulice H.K.Gradaševića između zgrade zvane Bambi i trenutne prodavnice obuće „Astra“ do izlaza na ulicu H.K.Gradaševića kod Sarajevo osiguranja.
27. **Ulica Rasima Terzića**, prostire se iz ulice I bataljona od kuće.....do ulice Raifa Šaldića na krivini.
28. **Ulica Franje Matića**, prostire se iz ulice H.K.Gradaševića kod pravoslavne crkve do izlaza na ulicu Kadić mahala kod kuće Sinanović Mirzeta.

29. **Ulica I. marta**, prostire se iz ulice Branilaca grada kod kuće Avdić do izlaza na ulicu Šehida kod kuće Avdić... ..
30. **Ulica čelikovača**, prostire se od ulice I.marta od kuće Kavazović Mahira pored kuće Subašića do izlaza na ulicu Šehida kod kuće Kondžić Merse i Beširević Vahida.
31. **Ulica XVIII hrvatske NOUB**, prostire se iz ulice Hasana Kikića kod kuće Smajlović...i završava se slijepo.
32. **Ulica Partizanske bolnice**, prostire se iz ulice Hasana Kikića od zgrade Crvenog Krsta i opštinske inspekcije i slijepo završava.
33. **Ulica Reufa Husenagića**, prostire se od ulice Kadić mahala kod Čičkove ćevabdžinice do kuće Zoraudina Sarajlića i slijepo završava.
34. **Ulica Zlatnih Ljiljana**, prostire se iz ulice VI bataljona od kuće pekara Mešanović Halida i slijepo završava ispod banje Ilidža.
35. **Ulica 25.novembra**, prostire se od Euro-profija sa bočnim ulicama do izlaza na ulicu VI bataljona kod kuće Alije Čobe.
36. **Ulica Narodnog fronta**, prostire se iz ulice Nenavište od kuće Bilajac ..., prema Džamiji u Svircu.
37. **Ulica Bosanskih gazija**, prostire se iz ulice VI bataljona od automehaničarske radnje Zrnić Ševke i kuće Zrnić Mirsada prema Proboju do skretanja za put babe Jelke.?
38. **Ulica Požarička**, prostire se iz ulice Požaričkih branilaca od kuće Mehmeda Pabrića do izlaza na ulicu Bosanskih gazija kod kuće zvanog Nedžo -Zrno.
39. **Ulica Udarnička**, prostire se iz ulice Bosanskih gazija od kuće Ibri Terzića i slijepo završava.
40. **Ulica Gradačačkih brigada**, prostire se iz ulice Žrtava Srebrenice kod Euro-profija na Bukvi preko Starčevca (Stačevca). ?
41. **Ulica XVI muslimanske partizanske brigade**, prostire se iz ulice Rasima Terzića od kuće Fazlić Eseda do izlaza na ulicu Šehitluci kod prodavnice vl.Prljače.
42. **Ulica Bagdale**, prostire se od raskrsnice kod Bagrema sa kojom završavaju ulice Hasana Durmiševića i Šehidska do izlaska na put za Mionicu.
43. **Ulica 8. mart**, prostire se iz ulice Gradačačkih brigada kod Starčevca(Stačevca) do izlaza na ulicu Šehitluci kod kuće Gubaljević Miralema.
44. **Ulica Željeznička**, prostire se iz ulice Požaričkih branilaca od kuće prema kući Gibić Hasana zvanog Hasanče.
45. **Ulica Požaričkih branilaca**, prostire se iz Sarajevske ulice kod ugostiteljske radnje zvane Šeher prema Donjim Ledenicama do granice k.o.Gradačac kod Pobježa (Begovina).
46. **Ulica Dobrovoljačka**, prostire se iz Sviračke ulice od kuće Zagarević Redžepa do ulice Narodnog fronta i kuće Pirić Fahre.
47. **Ulica Mustafe Novalića**, prostire se iz ulice I Bataljona od kuće Rasima Novalića, preko brane jezera Hazna do izlaza na ulicu Hazna.
48. **Ulica Siniše Mlinarevića**, prostire se iz ulice Kadić mahala kod kuće Riste-Kosare Stefanovića, prema pravoslavnoj crkvi - slijepa ulica.
49. **Ulica Varoška**, prostire se iz ulice Kadić mahala ispod kuće Mlinarević Ljubice do ulice Franje Matića kod kuće Vujanić Prede.
50. **Ulica Brđani**, prostire se iz ulice Kadić mahala od kuće Čosić Saše do kuća Čosić Avde i Đulage.
51. **Ulica Tabla**, prostire se iz ulice Narodnog fronta od kuće Nešeta-Alije Skenderovića do izlaza na Sviračku ulicu.

Naseljeno mjesto MIONICA

MZ MIONICA I:

1. **Ulica PATRIOTSKA**, proteže se Magistralnim putem prema MZ Mionica Centar, počev od raskršća Mezarja kod Oraha do raskršća kod Kovača.
2. **Ulica GAZIJSKA**, proteže se od raskrsnice Magistralnog i Regionalnog puta za Tramošnicu do kraja k.o. Mionice I, odnosno do krajnjih kuća u zaseoku Huskići.
3. **Ulica OMLADINSKA**, počinje od raskrsnice od džamije uz Magistralni put, do raskrsnice sa ulicom „Prvog lokalnog puta“ od kuće Gibić Ibrahima, odnosno kraćom dionicom na lokalni put za Mujiće, završno do kuće Ibrišimović Muhibije.
4. **Ulica PRVA**, počinje od raskrsnice Magistralnog puta, (od kraja ulice Žrtava Srebrenice), odnosno početka ulice sa centralnog pravca (od Oraha-Gibići-Mujići), na svim kraćim dionicama, sve do kraja k.o. Mionica I, prema Mionici Centar.
5. **Ulica UNKIĆI**, počinje od raskrsnice lokalnih puteva u zaseoku Ahmetaševići do kraja Unkića desnom stranom, odnosno kraja k.o. Mionica I, do početka k.o. Sibovac.

MZ MIONICA II:

1. **Ulica „IMŠIRI“**, počinje od kuće Selimović Adila do granice Mjesne zajednice Mionica II, sa Mjesnom zajednicom Grabov Gaj.
2. **Ulica „BRDO“**, počinje od mosta na Mioničkoj rijeci do granice Mjesne zajednice Mionica II sa Mjesnom zajednicom Mionica III.
3. **Ulica „KAMBERI“**, počinje od raskrsnice kod OŠ „Hamdija Kreševljaković“ do mosta na Mioničkoj rijeci.
4. **Ulica „MESUDI“**, počinje od raskrsnice kod OŠ „Hamdija Kreševljaković“ do mosta Kasapnica.
5. **Ulica „MUSTAFAGIĆI“**, počinje od kuće Čolić Samida do kuće Mustafagić Hajrudina.
6. **Ulica „MEŠANI“**, počinje od kuće Mešanović Hazima do ulice Kamberi.
7. **Ulica „KADIĆI“**, počinje od kuće Mešanović Mustafe do ulice Kamberi.
8. **Ulica „MAŠIĆI“**, počinje od kuće Kamberović Zaima do ulice Kamberi.
9. **Ulica „AJKIĆI“**, počinje od kuće Kamberović Zaima do Magistralnog puta Gradačac-Pelagićevo.
10. **Ulica „AJŠIĆI“**, počinje od kuće Kamberović Hadžiba do kuće Kamberović Abdulaha.
11. **Ulica „NAKIĆI“**, počinje od kuće Pandžić Paše do kuće Selimović Hazima.
12. **Ulica „BAHIĆI“**, počinje od kuće Bahić Emine do ulice Ajkići.
13. **Ulica „HEĆIMI“**, počinje od Magistralnog puta Gradačac-Pelagićevo kod kuće Hećimović Ragiba do kuće Pandžić Omera.
14. **Ulica „SALATOVIĆI“**, počinje od Magistralnog puta Gradačac-Pelagićevo od kuće Mrkonjić Ibrahima do kuće Kamberović Merseda.
15. **Ulica „MIONIČKA“**, počinje od razgraničenja sa Mionica-Centar duž Magistralnog puta Gradačac-Pelagićevo do granice općine Gradačac sa opštinom Pelagićevo.

MZ MIONICA III:

1. **Ulica „MAHMUT MAHALA“**, počinje od kuće Emina Gluhića do Spomenika, i od Spomenika do granice sa MZ Mionica II i granice sa MZ Mionica Centar.
2. **Ulica „HUMKE“**, počinje od Spomenika do granice sa MZ Lukavac Gornji (Crveni put) i MZ Bukva desna strana do puta Drnici.
3. **Ulica „KUKURUZI“** počinje od Spomenika do skretanja prema Ćamilu Kukuruzoviću (Do potoka Djedova voda).
4. **Ulica „TUFEKČIJE“** počinje od potoka Djedova voda do granice sa MZ Bukva (do raskrsnice put Drnici i put za MZ Mionica I).

MZ MIONICA CENTAR

1. **Ulica „CENTAR“**, prostire se od mesnice „Maxi“, kroz centar do brda Sjelina.
2. **Ulica „ŠKOLSKA“** prostire se od zgrade MZ Mionica Centar do O.Š. „Hamdija Kreševljaković“ i od kuće Asima Klopica do kuće Halida Omića.

3. **Ulica „MAGISTRALA“** prostire se Magistralnim putem, od raskršća kod Kovača do razgraničenja sa MZ Mionica II.
4. **Ulica „BRISTRE“**, prostire se od skladišta „Badžo“, desno do kuće Aličković Husejna.
5. **Ulica „ČOLIĆI“**, prostire se od seoske džamije do kuće Čolić Samira.
6. **Ulica „DUBRAVE“**, prostire se od kuće Mujkanović Nedreta do kuće Mujkanović Ragiba.
7. **Ulica „OMERČIĆI-HANIĆI“**, prostire se od kuće Omerčić Mehmedalije lijevo do kuće Omerčić Seada i desno do kuće Hanić Husejna.
8. **Ulica „BANDRELA“**, prostire se od kuće Omić Osmana do kuće Vrdoljak Tadije.
9. **Ulica „VEŽLINI“**, prostire se od kuće Omić Samira do kuće Vuković Sejde.

Naseljeno mjesto DONJI LUKAVAC

Ulicama u naseljenom mjestu Donji Lukavac koje pripada MZ Mionica III, daju se sljedeći nazivi:

1. **Ulica „NOVO NASELJE“**, počinje od kuće Emina Gluhića do granice sa MZ Vučkovci i MZ Avramovina.
2. **Ulica „DONJI LUKAVAC“** počinje od kuće Emina Gluhića do skretanja starim putem prema Kerepu (kuća Mehe Divljanovića).
3. **Ulica „INDUSTRIJSKA“**, počinje od ulice Donji Lukavac do vodice prije Spomenika na Regionalnom putu Građacac-Ormanica, i desno do mosta na potoku Lukavčić, do granice sa MZ Kerep.
4. **Ulica „ČUSTE“** počinje od granice sa MZ Toke do granice sa MZ Gornji Lukavac.

Naseljeno mjesto SRNICE GORNJE

Ulicama u naseljenom mjestu Srnice Gornje, daju se sljedeći nazivi:

1. **Ulica „Muharemovići“**, prostire se od ulaza u naselje sa Magistralnog puta Gračanica-Vučkovci, prema džamiji, do kraja naselja, odnosno do kuće Halilković Ibrahima (zv. Čajo).
2. **Ulica „Luke“**, prostire se od raskrsnice za Biberovo polje pa do mosta na rječici Bosut, odnosno do kraja k.o. Srnice Gornje.
3. **Ulica „Mahala“**, prostire se od zgrada Doma i trgovine „Trgocentar“ (lijevi ogranak) do kuće Mahmutović Sadika.
4. **Ulica „Brdo“**, prostire se od zgrade Doma i trgovine „Trgocentar“ (desni ogranak) do kuće Bešić Jasima.
5. **Ulica „Topole“**, prostire se od kuće Bešić Jasima pa do naseljenog mjesta Borik
6. **Ulica „Đogići“**, prostire se od Magistralnog puta Gračanica-Vučkovci pa do kuće Čekić Šaćira.
7. **Ulica „Gračanička“**, prostire se duž Magistralnog puta Srnice Gornje-Gračanica, od početka naselja pa do izlaza.

Naseljeno mjesto VIDA

MZ VIDA I:

Ulicama u naseljenom mjestu Vida I, daju se sljedeći nazivi :

1. **Ulica Lahve**, prostire se od table Vida I (kod kuće Ismeta Isanovića, gdje se graniči sa MZ Varoš), do raskrsnice sa ul. Branilaca Vide.
2. **Ulica Branilaca Vide**, prostire se od Točka kod jezera Hazna do granice sa MZ Lukvac Gornji (kod kuće Okić Tasina).

3. **Ulica Rasadnik**, prostire se od skretanja kod Ševke Hasanbašića i izlazi na ulicu Branilaca Vide.
4. **Ulica 7.decembar**, prostire se od raskrsnice (džamije u Vidi I) do granice sa MZ Novalići

Postojeće ulice „Hazna“ i „I bataljona“ prostiru se do granice sa MZ Vida I.

Naseljeno mjesto VUČKOVCI

Ulicama u naseljenom mjestu Vučkovci, daju se sljedeća imena:

1. **Ulica „1.MAJA“**, prostire se od centra MZ Vučkovci pravcem pored škole, fudbalskog igrališta, putem za Hrgove Donje i završava se kod kuće Lušničkić Ramiza.
2. **Ulica „DELIĆI“**, prostire se od puta Vučkovci-centar-Hrgovi Donji, od kuće Sendić Safeta i Salihćehajić Ahmeda i razvija se odnosno završava na dva pravca kod kuće Delić Mehmeda i drugi pravac kod kuće Delić Agana.
3. **Ulica „BEĆIROVIĆA BRDO“**, prostire se od centra MZ Vučkovci pravcem puta za Avramovinu i završava na raskrsnici kod kuće Isanović Husejna.
4. **Ulica „ARMIJE R BIH“**, prostire se od raskrsnice kod kuće Isanović Husejna, ide pravcem puta za Avramovinu i završava kod kuće Zečić Mehmeda.
5. **Ulica „CENTAR“**, prostire se od centra MZ Vučkovci, ide pravcem prema putu Gradačac –Ormanica i završava kod puteva na desnom pravcu kuća Turbić Mehmeda i Mersada-Džinda i lijevom pravcu kod kuće Mehić Omera.
6. **Ulica „HORINCI“**, prostire se od raskrsnice kod Mehića bunareva i završava na raskrsnici puteva Gradačac-Ormanica-Gračanica-Vučkovci.
7. **Ulica „BATUNJI“**, prostire se od kuće Jukić Hasiba, ide pravcem puta za Hrgove Donje i završava se kod kuće Turbić Merseda-Šate.
8. **Ulica „BAJRAMIŠTE“**, prostire se od STR „Vučkovljanka“ odnosno kuće Českinović Senada i završava na jednom pravcu kod kuće Mehić Senada-Ćopeta i drugom pravcu kod kuće Českinović Mustafe-Muse.
9. **Ulica „DUĆANI“**, prostire se od centra MZ Vučkovci pored nove džamije, veterinarske stanice i završava kod STR „Deny“ Vučkovci vl.Turbić Hadžage.
10. **Ulica „ZEKINO BRDO“**, prostire se od raskrsnice kod STR „Deny“ vl.Turbić Hadžage i razvija se u tri pravca, prvi pravac završava se kod kuće Opalić Hajrudina, drugi pravac kod kuće Mujkanović Salke i treći pravac kod kuće Muharemović Fikreta.
11. **Ulica „HRASTAVICE“**, prostire se od STR „Deny“ vl.Turbić Hadžage, ide pravcem pored SUR „Putnik“ vl.Đonlić Avdage i završava na raskrsnici puta za Mionicu III-Mahmut Mahala kod kuće Kurbašić Halila.
12. **Ulica „KURBAŠIĆ MAHALA“**, prostire se od raskrsnice puta za Mionicu III-Mahmut mahali i završava na raskrsnici kod kuće Kurbašić Osmana-Džore.
13. **Ulica „CRVENO BRDO“**, prostire se kod kuće Aljkanović Muharema putem zv.Crveno brdo i završava kod kuće Kurbašić Osman-Roda.
14. **Ulica „KURBAŠINA VODA“**, prostire se od raskrsnice kuća Đonlić Rame, ide pravcem farma Hrštić Izudina i tu završava.
15. **Ulica „25. NOVEMBRA“**, prostire se od raskrsnice, kuća Kurbašić Osman-Džoro i završava kod kuće Softić Adila-Soreta, put za Harem.
16. **Ulica „HAREMSKA“**, prostire se od kuće Softić Adila-Sore i završava na jednom pravcu kod kuće Hrštić Muhameda i drugim pravcem kod Tankić Omera.
17. **Ulica „HUNKIN HRAST“**, prostire se od kuće Softić Adila-Sore i završava na izlazu puta za Gradačac-Ormanica.
18. **Ulica „HASINKE“**, prostire se od kuće Halilković Džemila i završava kod kuće Aljkanović Teufika i kuće Halilković Bajre-Mehmeda, potez Halilkovići.

Član 4.

Nazivi ulica i trgova ispisuju se u skladu sa Ustavom i Zakonom kojim se uređuje službena upotreba jezika i pisma.

Član 5.

- (1) Označavanje naziva ulica i trgova vrši se postavljanjem tabli od trajnog materijala,
- (2) Table sa nazivima ulica postavljaju se u skladu sa planom o označavanju kojeg sačinjava nadležna služba,
- (3) Pločica sa kućnim brojem postavlja se na zgradu ili u građevinsku parcelu tako da je vidljiva s ulice a izrađuje se od trajnog materijala.
- (4) Na tablici, ispod broja zgrade ispisuje se naziv ulice ili trga,
- (5) Dodjela kućnih brojeva po ulicama, trgovima vrši se na osnovu plana dodjele kućnih brojeva kojeg sačinjava nadležna služba.

Član 6.

- (1) Za dodjelu kućnog broja, troškove nabavke i postavljanje pločica s kućnim brojevima plaća se naknada.
- (2) Naknada se uplaćuje u korist Budžeta Općine Gradačac.

Član 7.

- (1) Nadležna služba uspostavlja i vodi Registar naziva ulica, trgova, privrednih zona i kućnih brojeva na području Općine Gradačac – Adresni registar.

Član 8.

- (1) Ovlašćuje se Općinski načelnik da donese propise o veličini, obliku i boji ploča sa nazivima ulica, trgova, privrednih zona kao i pločica kućnih brojeva, visinu naknade iz člana 6. Odluke, kao i ostalo što je potrebno za provođenje ove Odluke.

Član 9.

- (6) Općinski komunalni inspektor je dužan pratiti praćenje ove odluke, kao i vršiti nadzor u smislu otkrivanja protivpravnih radnji propisanih ovom Odlukom.
- (7) Općinski komunalni inspektor može izreći novčanu kaznu za prekršaje i protivpravne radnje iz ove Odluke u visini od 30 do 100 KM a naročito za neovlašteno označavanje, skidanje, oštećivanje ili narušavanje izgleda tablice s kućnim brojevima ili table s nazivima ulica i trgova.

Član 10.

Stupanjem na snagu ove Odluke prestaju da važe:

1. ODLUKA o određivanju i obilježavanju ulica na području naseljenog mjesta Gradačac ("Službeni glasnik općine Gradačac" 12/80 od 03.12.1980.godine)
2. ODLUKA o izmjenama Odluke o određivanju i obilježavanju ulica na području naseljenog mjesta Gradačac (broj 01-023-27/96 od 21.08.1996.godine)
3. ODLUKA o izmjenama Odluke o određivanju i obilježavanju ulica na području naseljenog mjesta Gradačac (broj 01-05-142/2001 od 06.06.2001.godine)
4. ODLUKA o nazivima ulica u naseljenom mjestu Vučkovci ("Službeni glasnik općine Gradačac" 03/2004. od 30.03.2004.godine)
5. ODLUKA o nazivima ulica u naseljenim mjestima Mionica i Donji Lukavac ("Službeni glasnik općine Gradačac" 08/2007. od 17.07.2007.godine)
6. ODLUKA o nazivima ulica u naseljenom mjestu Srnice Gornje ("Službeni glasnik općine Gradačac" 03/2008. od 27.02.2008.godine)
7. ODLUKA o izmjeni Odluke o nazivima ulica u naseljenim mjestima Mionica i Donji Lukavac ("Službeni glasnik općine Gradačac" 03/2008. od 27.02.2008.godine)
8. ODLUKA o izmjeni Odluke o nazivima ulica u naseljenom mjestu Vučkovci ("Službeni glasnik općine Gradačac" 08/2009. od 30.11.2009.godine)
9. ODLUKA o nazivima ulica u naseljenom mjestu Vida, MZ Vida I ("Službeni glasnik općine Gradačac" 03/2009. od 07.04.2009.godine).

Član 11.

Ova odluka stupa na snagu narednog dana od dana objavljivanja u "Službenom glasniku Općine Gradačac".

Broj :
Datum:

PREDSJEDAVAJUĆI
OPĆINSKOG VIJEĆA

Šakić Enir, prof.

BOSNA I HERCEGOVINA
FEDERACIJA BOSNE I HERCEGOVINA
TUZLANSKI KANTON
OPĆINA GRADAČAC
-Općinsko vijeće-

OBRAZLOŽENJE

I PRAVNI OSNOV

Pravni osnov za donošenje ove Odluke sadržan je u članu 8. i članu 13. stav 2. tačka 9. Zakona o principima lokalne samouprave u FBiH (*"Službene novine FBiH"*, broj: 49/06) i članu 24. tačka 11. Statuta Općine Gradačac (*"Službeni glasnik općine Gradačac"*; br. 04/08 i 5/12).

II RAZLOZI DONOŠENJA ODLUKE

Razlozi za donošenje nove Odluke su:

1. Aktivnosti na uređenju imenovanja ulica i trgova,
2. Stvaranje pretpostavki za uvođenje Adresnog registra na području općine Gradačac,
3. Ispravka uočenih tehničkih grešaka i nedostataka u ranijim Odlukama, pojednostavljenje procedura donošenjem jedne jedinstvene odluke.

Ovom odlukom nije vršena promjena naziva ulica (zadržani su stari nazivi), nego su izvršene izmjene u definisanju početka i kraja ulice, budući da su ranijim Odlukama početak i kraj ulice definisani po vlasnicima kuća i objekata koji su aktuelni samo u nekom vremenu i promjenjive su kategorije, a sada su isti definisani prema poznatim toponimima.

Također novom Odlukom uvodi se plan podjele na ulice i trgove sa grafičkim prikazom.

Adresni registar je baza podataka o ulicama i trgovima te je predviđeno da ova baza bude jedinstvena za sve korisnike podataka o adresama na području cijele općine.

Od katastarskog premjera i označavanja kućnih brojeva 1980. godine pa do danas izvršeno je u nekoliko navrata imenovanje ulica i trgova ali obzirom da je usljed privrednog razvoja došlo do brze izgradnje velikog broja objekata na području općine neki od privrednih subjekata nemaju preciznu adresu.

Brojni su razlozi zašto je važno imati tačnu adresu, a pomenut ćemo samo neke od njih: Isporuka poštanskih pošiljki, podatak o samoj lokaciji gdje se nalazi zgrada (nekretnina), razne vrste intervencija (hitna služba, vatrogasna služba, komunalna služba, policija i sl.), dostupnost za primanje i davanje raznih vrsta zanatskih i uslužnih djelatnosti, mogućnost korištenja raznih tehnologija za traženje lokacija –GPS navigacija itd.

Pored navedenog tačna adresa stvara pozitivnu i progresivnu sliku kako stanovnika tako i samog naseljenog mjesta-Općine Gradačac.

U vezi sa provođenjem Odluke predviđeno je da Općinski Načelnik donese poseban provedbeni propis – Pravilnik, kojim će se detaljno opisati i propisati sve ono da bi u konačnici imali obilježene ulice nazivima i obilježene objekte brojevima.

OBRAĐIVAČ

Općinska služba za geodetske
i imovinsko-pravne poslove

Ferid Durmišević, dipl.ing.geod.

PREDLAGAČ

Općinski načelnik

Edis Dervišagić, mr.sci.



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-750 i fax. 035-369-751, e.mail: opc.grad@bih.net.ba, www.gradacac.ba

**PROJEKAT OZNAČAVANJA ULICA I TRGOVA NAZIVIMA
I OBJEKATA BROJEVIMA
NA TERITORIJI OPĆINE GRADAČAC
-Projektni zadatak-**

Uradio	Datum	Verzija	Opis
Durmišević Ferid dipl.ing.geod	10.05.2018.	1.0	Inicijalna verzija

Gradačac, maj 2018. godine

1. UVOD

1.1. PROJEKTNII ZADATAK

Projektni zadatak razrađuje aktivnosti potrebne za neposredno označavanje ulica i trgova imenima te označavanje zgrada brojevima, te uspostavu registra sa podacima o izvršenom označavanju.

U pripremnoj fazi projekta proveden je niz aktivnosti kako bi proces neposrednog označavanja i obilježavanja bio vršen organizovano i efikasno, te je nadležna Služba analizirala stanje na terenu. Na osnovu izvršenih pripremnih radnji je ugovrđeno da na području općine Gradačac postoje 9 (devet) odluka ili izmjena odluka koje se odnose na imenovanje ulica za pet naseljenih mjesta i to:

1. Gradačac sa 51 ulicom i 1. trgom

- Odluka o određivanju i obilježavanju ulica na području naseljenog mjesta Gradačac ("Službeni glasnik općine Gradačac" broj 12/1980 od 03.12.1980.godine),
- Odluka o izmjenama Odluke o određivanju i obilježavanju ulica na području općine Gradačac, broj 01-023-27/96 od 21.08.1996.godine i
- Odluka o izmjenama Odluke o određivanju i obilježavanju ulica na području općine Gradačac, broj 01-05-142/2001. od 06.06.2001.godine.

Kopije navedenih Odluka u prilogu.

2. Vučkovci sa 18 ulica

- Odluka o nazivima ulica u naseljenom mjestu Vučkovci ("Službeni glasnik općine Gradačac" broj 3/2004 od 30.03.2004.godine),
- Odluka o izmjeni Odluke o nazivima ulica u naseljenom mjestu Vučkovci ("Službeni glasnik općine Gradačac" broj 8/2009 od 30.11.2009.godine),

3. Mionica sa 37 ulica i to po Mjesnim zajednicama (naseljima):

- Mionica I sa 5 ulica,
- Mionica Centar sa 9 ulica,
- Mionica II sa 15 ulica,
- Mionica III sa 4 ulice i
- Donji Lukavac sa 4 ulice
- Odluka o nazivima ulica u naseljenim mjestima Mionica i Donji Lukavac ("Službeni glasnik općine Gradačac" broj 3/2007 od 17.07.2007.godine),
- Odluka o izmjeni Odluke o nazivima ulica u naseljenim mjestima Mionica i Donji Lukavac ("Službeni glasnik općine Gradačac" broj 3/2008 od 27.02.2008.godine),

4. Srnice Gornje sa 7 ulica

- Odluka o nazivima ulica u naseljenom mjestu Srnice Gornje ("Službeni glasnik općine Gradačac" broj 3/2008 od 27.02.2008.godine),

5. Vida sa 4 ulice

- Odluka o nazivima ulica u naseljenom mjestu Vida ("Službeni glasnik općine Gradačac" broj 3/2009 od 17.04.2009.godine).

S obzirom da se ovim projektnim zadatkom opisuju aktivnosti potrebne za uspostavu adresnog registra i implementaciju potrebnog obilježavanja i označavanja na terenu, konstatuje se da treba na Općinskom vijeću donijeti Odluku koja će na jedinstven način utvrditi pravila za imenovanje ulica i određivanje kućnih brojeva a postojeće Odluke inkorporirati u istu i staviti van snage.

Uspostavom adresnog registra ostala naseljena mjesta će dobiti kućne brojeve bez posebnih naziva ulica, a ako se naknadno ekspanzijom razvoja ili željom mještana pojavi takva potreba to će se i uraditi.

1.2. PRIPREMNA FAZA

Pripremna faza uspostave adresnog registra zahtjevala je izradu obuhvata ulica koji prikazuje:

- granice ulica i trgova, kao i
- objekte koji pripadaju ulicama i trgovima.

Nadležna služba vrši numeraciju objekata u okviru jedne ulice, odnosno trga na način kako propisi nalažu. Na osnovu izvršene numeracije dobijaju se podaci o objektima koje je potrebno označiti kao i o načinu na koji to treba izvršiti. U obzir su uzete i neizgrađene građevinske parcele koje također dobijaju svoj rezervisani broj.

U okviru naseljenih mjesta u kojima nije predviđena podjela na ulice i trgove nadležna služba će, također, izvršiti numeraciju objekata koji podliježu označavanju i parcela koje predstavljaju neizgrađeno građevinsko zemljište.

2. OSNOVNE SMJERNICE

- Objektima u obuhvatu ulica, odnosno katastarskim parcelama u obuhvatu ulica sa lijeve strane ulice, dodjeljuju se neparni kućni brojevi, počevši od broja jedan, a objektima, odnosno katastarskim parcelama sa desne strane ulice, dodjeljuju se parni brojevi, počevši od broja dva.
- Objektima u obuhvatu ulica, odnosno na katastarskim parcelama u obuhvatu ulica koje se protežu samo jednom stranom, npr. obale rijeke, utvrđivanje kućnih brojeva vrši se u kontinuitetu počevši od rednog broja jedan.
- Utvrđivanje i označavanje kućnih brojeva u ulici, vrši se sa kraja ulice koji je bliži glavnom dijelu, odnosno centru naseljenog mjesta i nastavlja u pravcu periferije.
- Utvrđivanje kućnih brojeva na trgu vrši se u kontinuitetu u smjeru kretanja kazaljke na satu počevši od ugla glavne ulice i od broja jedan.
- Utvrđivanje kućnih brojeva u naseljenim mjestima u kojima ne postoje ulice, vrši se od ulaska u naselje iz pravca administrativnog centra jedinice lokalne samouprave, u kontinuitetu, počevši od broja jedan, onim redom koji je najpovoljniji i najkraći prilaz od jednog do drugog objekta.
- Za dva ili više objekata ili katastarskih parcela u istoj ulici ne može se utvrditi isti kućni broj.
- Ako je više objekata izgrađeno na jednoj parceli istim će se dodijeliti zaseban kućni broj za svaki objekat (osim garaža, pomoćnih objekata, kotlovnica i sl. objekata koji su u funkciji osnovnog objekta).
- Za objekte kolektivnog stanovanja ukoliko imaju više ulaza vrši se numeracija svakog ulaza posebno.
- Ako jedan objekt posjeduje više zasebnih ulaza moguća je zasebna numeracija na zahtjev vlasnika ili po službenoj dužnosti, ukoliko se za to ukaže potreba, numeracija će se vršiti na način da se osnovnom broju doda slovna oznaka po abecedi od A i nadalje.
- Za objekte i katastarske parcele koje imaju izlaz na dvije ili više ulica utvrđuje se samo jedan kućni broj.

3. OZNAČAVANJE ULICA I TRGOVA

Označavanje ulica i trgova imenima te označavanje zgrada brojevima vršit će se u skladu sa Odlukom o nazivima i obilježavanju ulica i trgova i obilježavanju zgrada brojevima na području općine Gradačac („Službeni glasnik općine Gradačac“, broj xx/18).

Označavanje ulica i trgova vršit će se na osnovu utvrđenog obuhvata ulica i trgova iz kojeg su vidljive granice ulica i njihove početne i krajnje tačke.

U naseljenim mjestima gdje nisu definisane ulice, redoslijed postavljanja pločica definisat će se planom.

Označavanje naziva ulica i trgova vrši se postavljanjem Tabli na objekte i to:

- u svakoj ulici, na početku i kraju ulice, sa obje strane ulice postavljaju se Table,
- na svakoj raskrsnici ulica Table se postavljaju dijagonalno,
- na svakom trgu na mjestu spajanja ulica sa trgom postavljaju se Table.

Pri postavljanju Tabli sa nazivima ulica i trgova izvođač radova mora voditi računa o tome da se Tabla sa nazivom ulice ili trga postavlja na lako uočljivim mjestima koja ne mogu biti niža od 2,5m od tla. Ukoliko na tom mjestu nema objekta, Tabla sa nazivom ulice ili trga postavlja se na zaseban nosač (stup, okvir i sl.) izgrađen od čvrstog materijala ili na drugu adekvatnu podlogu.

Tabla sa nazivom ulice ili trga postavlja se u skladu sa planom o označavanju kojeg sačinjava nadležna Služba.

3.1. IZGLED TABLI

Označavanje ulica i trgova imenima vrši se postavljanjem tabli od trajnog materijala. Table za označavanje ulica i trgova imenima su plave boje na kojoj su slovne i brojčane oznake ispisane bijelom bojom.

Tekst imena naseljenog mjesta i slovna oznaka ispisuje se velikim štampanim slovima bijele boje.

Table za označavanje ulica i trgova imenima su dimenzija ulica i trgova 50x30cm. Slovne oznake na Tablama će se raditi u fontu Verdana na latiničnom pismu veličine fonta 4,50cm i 6,50cm. (Izgled table prikazan u Grafičkom prilogu broj 1)

3.2. IZGLED PLOČICA

Pločice sa kućnim brojem se izrađuju od trajnog materijala.

Pločice su plave boje a slovne i brojčane oznake ispisane su bijelom bojom. Slovne oznake se pišu velikim štampanim slovima bijele boje.

Pločica za označavanje kućnog broja je dimenzija 20x15 cm, dok je dopunska pločica na kojoj se ispisuje ime naseljenog mjesta veličine 20x6 cm.

Slovne i brojčane oznake na pločicama će se raditi u fontu Verdana na latiničnom pismu veličine fonta i to na gornjoj pločici 7,0cm, a na donjoj pločici 1,50cm.

Za Pločice u naseljenim mjestima bez ulica ispod broja na Pločici upisuje se i naziv naseljenog mjesta.

4. OZNAČAVANJE ZGRADA BROJEVIMA

- Utvrđivanje i označavanje kućnih brojeva vrši se posebno za svako naseljeno mjesto.
- Pločica sa kućnim brojem (u daljem tekstu: Pločica) postavlja se na objekat desno od ulaza, neposredno iznad ulaza ili na dijelu objekta koji je bliži ulazu, tako da je vidljiva iz ulice odnosno, sa javne površine.

- Dodjela kućnih brojeva u ulicama i trgovima vrši se na osnovu plana dodjele kućnih brojeva kojeg sačinjava nadležna Služba.
- Označavanje zgrada brojevima vrši se u naseljenim mjestima kojima su dodijeljene ulice i u naseljenim mjestima u kojima nije izvršena podjela na ulice i trgove.
- Plan numeracije će biti dostavljen izvođaču radova, a izvođač radova je dužan pridržavati se istog.
- Ukoliko stanje na terenu bude zahtijevalo odstupanje od predviđenog plana, izvođač radova je dužan o tome obavijestiti nadležnu službu kako bi se izvršile eventualne korekcije u planu numeracije.
- Nadležna služba će dostaviti Plan dodjele kućnih brojeva sa podacima o potrebnom broju parnih i neparnih Pločica, kao i o potrebnom broju Tabli sa nazivima ulica i trgova.

4.1. ADMINISTRATIVNA DODJELA KUĆNIH BROJEVA

Administrativnu dodjelu kućnih brojeva vrši nadležna služba po službenoj dužnosti ili po zahtjevu stranke u toku uspostave adresnog registra. U tu svrhu nadležna služba izrađuje rješenja o dodjeli kućnih brojeva, a rješenje će se dostaviti vlasniku objekta.

Nadležna služba vrši distribuciju istih uz obavezno potpisivanje dostavnice.

5. POSTAVLJANJE PLOČICA SA KUĆNIM BROJEM I TABLI SA NAZIVIMA ULICA

Prilikom izrade Pločica i Tabli sa nazivima ulica potrebno je predvidjeti varijante postavljanja istih na objekte vjercima sa dužinom vijaka zavisno od podloge, odnosno lijepljenjem. Za postavljanje vjercima na Pločici i Tabli sa nazivom ulice izbušiti četiri pravilno raspoređene rupice bliže uglovima Pločice.

U slučaju lijepljenja Pločice i Table predvidjeti “prekrivanje” rupica.

5.1. OBAVEZE NARUČIOCA RADOVA

Nadležna služba je dužna obezbijediti prateću dokumentaciju koja će sadržavati kopiju katastarskog plana u prigodnoj razmjeri na kojoj će biti naznačen objekat i mjesto na objektu na koji je postavljena Pločica/Tabla/.

Koordinate mjesta gdje je postavljena Pločica/Tabla će se očitati iz katastarskog plana, a prilaže se i fotografija šire okoline i fotografiju gdje je neposredno postavljena Pločica/Tabla.

Dokumentacija se izrađuje u digitalnom obliku u PDF formatu, a ukoliko objekat koji je predmet označavanja nije evidentiran na katastarskom planu, prikaz mjesta na koji je postavljena pločica može se prikazati na digitalnom orto-foto planu (DOF).

Nadležna služba je dužna evidentirati u adresnom registru imena ulica i trgova, unijeti opisne podatke za svaku ulicu odnosno trg, te izvršiti upis podataka dostavljen od strane izvođača radova.

5.2. OBAVEZE IZVOĐAČA RADOVA

Općina Gradačac planira da izvrši obilježavanje ulica imenima i obilježavanje zgrada brojevima za sva naseljena mjesta općine Gradačac, po već utvrđenoj numeraciji ako je ista utvrđena koju će izvođač radova dobiti u digitalnom obliku.

Numeracija objekata kućnim brojevima za ostala naseljena mjesta vršiti će se naknadno prema planu numeracije koju sačini nadležna služba.

Shodno tome, obaveze izvođača radova su da u skladu sa elementima navedenim u Projektom zadatku:

- da zajedno sa naručiocem radova utvrdi dinamiku izrade, pregleda i postavljanja Pločice/Tabli.
- izradi i postavi Table sa nazivima ulica,
- izradi i postavi Pločice sa kućnim brojevima i nazivima ulica,

Obavezuje se Izvođač radova da:

- dostavi Garanciju materijala za izradu Table i Pločice,
- dostavi Garanciju za sito štampu na period od 15.g.,
- dostavi garanciju za kvalitet boje i postojanost nijanse,
- da prilikom postavljanja Table ili Pločice u konsultaciji sa vlasnikom objekta izabere opciju kako će izvršiti postavljanje iste na objekat (postavljanje iste bušenjem ili ljepljenjem).

Obavezuje se Izvođač radova da uz prijavu dostavi jedan primjerak Table sa nazivom ulice i jedan primjerak Pločice.

6. PREDMJER RADOVA

U Predmjeru radova vezano za izradu Tabli sa nazivima ulica/trgova, kao i Pločica sa kućnim brojem prikazujemo broj istih kako slijedi:

6.1. POTREBAN BROJ TABLI PO NASELJENIM MJESTIMA

- naseljeno mjesto Gradačac	cca	xxx
- naseljeno mjesto Vučkovci	cca	xxx
- naseljeno mjesto Mionica	cca	xxx
- naseljeno mjesto Srnice Gornje	cca	xxx
- naseljeno mjesto Vida	cca	xxx

6.2. POTREBAN BROJ PLOČICA PO NASELJENIM MJESTIMA

- naseljeno mjesto Gradačac	cca	xxx
- naseljeno mjesto Vučkovci	cca	xxx
- naseljeno mjesto Mionica	cca	xxx
- naseljeno mjesto Srnice Gornje	cca	xxx
- naseljeno mjesto Vida	cca	xxx

7. SPECIFIKACIJA ROBE

Nabavka Tabli dimenzija 50x30 sa nazivima ulica i trgova za postavljanje u naseljenim mjestima u kojima su definisane ulice i trgovi

Karakteristike:

- Materijal: obojen fabrički Aluminijski lim AL1050 H 24
- Debljina aluminija 2 mm hladno rezanje
- Osnovni i završni premaz s jedne strane debljine 50 mikrona
- Bojena podloga RAL 5013 (kobalt plava)
- Brojevi i slova bijela sito boja za metal, tehnika sito-štampa

- Varijanta sa četiri pravilno raspoređene i izbušene rupice bliže uglovima Table sa odgovarajućim pocinčanim vijcima dužine 5cm do 20cm
- Noseći pocinčani stubovi po potrebi
- Varijanta sa ljepljenjem Table i "maskiranjem" rupica

Nabavka Pločica dimenzija 20x15 sa kućnim brojevima za postavljanje u ulice

Karakteristike:

- Materijal: obojen fabrički Aluminijski lim AL1050 H 24
- Debljina aluminija 1 mm hladno rezanje
- Osnovni i završni premaz s jedne strane debljine 50 mikrona
- Bojena podloga RAL 5013 (kobalt plava)
- Brojevi i slova bijela sito boja za metal, tehnika sito-štampa
- Varijanta sa četiri pravilno raspoređene i izbušene rupice bliže uglovima Table sa odgovarajućim pocinčanim vijcima sa tiplama dužine 5cm do 20cm
- Varijanta sa ljepljenjem Table i "maskiranjem" rupica

VRSTA	UKUPAN BROJ (kom)
Pločice	18000 (+/-3%)
Table sa nazivima ulica	500 (+/-3%)
Noseći stubovi	44 (+/-3%)

Broj u tabeli koji se odnosi na pločice je orijencionog karaktera tako da prilikom implementacije projekta može doći do promjena.

Općina Gradačac je u Budžetu za 2018.g. planirala Sredstva za adresni registar u iznosu od 30.000 KM.

Realizacija i plaćanje bi se odvijali sukcesivno po izvršenom dijelu posla ili mjesečno na osnovu Privremenih Situacija o izvedenim radovima (izrađene i postavljene Table/Pločice), kao i po okončanoj Situaciji.

Broj:

Datum: _____2018.godine

Pomoćnik općinskog načelnika

Durmišević Ferid, dipl.ing.geod.